

STYRESAK

GÅR TIL: Styremedlemmer
FØRETAK: Helse Vest RHF

DATO: 17.01.2015
SAKSHANDSAMAR: **Kristin Osland Lexow**
SAKA GJELD: **Felles risikostyringsmål for helseføretaka i 2015**

ARKIVSAK: 2015/1350/

STYRESAK: 009/15

STYREMØTE: 04.02. 2015

.....

FORSLAG TIL VEDTAK

1. Styret sluttar seg til dei tre felles styringsmåla med delmål for risikostyring i Helse Vest for 2015

Oppsummering

Styresaka føreslår tre felles styringsmål med delmål for sjukehusføretaka for 2015. Styringsmåla er definerte med utgangspunkt i Program for pasienttryggleik i Helse Vest, rusbehandling og psykisk helsevern og i krav i protokoll frå føretaksmøte HV 7. januar 2015 om redusert venting og auka effektivitet.

Fakta

I sak 033/12 vedtok styret i Helse Vest å endre retningslinjene for risikostyring i Helse Vest. For å sikre betre lokalt eigarskap og ei betre inkludering i den enkelte verksemda si mål- og resultatstyring blei det frå 2012 lagt opp til at helseføretaka sjølv vel ut kva styringsmål dei ønskjer å følgje opp med risikostyring gjennom året.

Ved behandlinga av risikovurderingane i revisjonsutvalet hausten 2012, blei det bedt om å gå tilbake til å ha nokre felles styringsmål som skulle vere gjenstand for risikostyring gjennom året i tillegg til dei styringsmåla helseføretak sjølv vel. Styret slutta seg til denne vurderinga og felles styringsmål for risikovurdering 2013 blei presentert for styret i styremøte 6. mars 2013 jf. Sak 18/13 AD si orientering pkt. 4.

Helseføretaka skal årlig gjennomføre risikovurdering av minimum 4 overordna styringsmål som skal følgjast særskild opp gjennom året. Helse Vest RHF vil årleg definere minimum to av desse måla, som skal vere felles for sjukehusføretaka i regionen. Føretaka må sjølv definere minst to eigne verksemdsspesifikke styringsmål (Reviderte Retningslinjer for risikostyring, styresak 134/13 B).

Følgjande tre felles risikostyringsmål med delmål for sjukehusføretaka er definerte for 2015:

	Styringsmål	Delmål
1	Talet på skadar som kan unngåast i helse-tenesta i Helse Vest skal halverast innan 2017	1.Program for pasienttryggleik i Helse Vest 2013-2017 er godt forankra i leiargrupper og kjend i resten av organisasjonen. 2.Tiltak i programmet blir implementert lokalt i helseføretaka så snart dei blir overleverte frå prosjekt til linje.
2	Helse Vest har eit kvalitativt godt og heilskapleg behandlingstilbod innan psykisk helsevern og rusbehandling/TSB	1.I psykisk helsevern og rusbehandling/TSB får pasientane tilfredsstillande oppfølging for å ivareta kontinuitet og for å unngå brot i behandlinga. 2.Pasientar med samtidig rusliding og psykisk liding får eit samordna og integrert behandlingstilbod. 3.Barn og unge som har behov for det, blir møtt med tidleg hjelp tilpassa situasjonen deira. 4. Det skal vera større vekst innan psykiatri og rus enn innanfor somatikk (Den gylne regel)
3	Redusert venting for diagnostikk og behandling i Helse Vest	1.Faglege retningslinjer og standardiserte pasientforløp skal implementerast. (Ref. m.a. pakkeforløp kreft)

	2. Flaskehalsar i pasientbehandlninga, og konkrete tiltak for å avhjelpe desse, skal identifiserast.
	3. Det skal visast tiltak for betre planlegging og organisering slik at kapasiteten ved operasjonsstover blir utnytta så optimalt som mogeleg gjennom døgnet.
	4. Tiltak i prosjektet «Alle møter» skal implementerast.

Kommentarar

Dei to første styringsmåla er ein vidareføring frå i fjor då dette er langsiktige strategiar som framleis har høg prioritet. Det tredje styringsmålet er nytt i 2015.

Det første styringsmålet er definert med utgangspunkt i Program for pasienttryggleik i Helse Vest 2013-2017, der målet er å halvere talet på skadar som kan unngåast innan 2017. Styringsmål nummer 2 er definert med utgangspunkt i forventa satsing på rus og psykiatri. Styringsmål nummer tre er definert med bakgrunn i føringar i oppdragsdokument frå Helse- og omsorgsdepartementet og protokoll frå føretaksmøtet 2015, om redusert venting på helsehjelp og auka effektivitet i sjukehusa.

Det blir ikkje peika ut felles styringsmål for Sjukehusapoteka Vest HF og Helse Vest IKT AS.

Helse Vest føreset at helseføretaka held fram det systematiske arbeidet med å redusere risiko på dei områda som gjennom risikovurderingane i 2013 blei vurdert til å ha uønska høg risiko. Det er ei klar føresetnad at tiltaka som er sette i verk blir følgde opp og rapporterte på fram til risikoen er redusert til eit akseptablet nivå.